

懷
函
雜
俎
叢
書

第十冊

年年下第劉蕢輟視而嗟歲歲依人王粲登樓
而賦久羈客邸忽睨舊鄉爰理琴書買舟南下
渡頭秋水共楊柳以送儂湖上青山約梅花而
待我暫寬旅思重敘鄉情豪氣全除悲歌閒作

凝東坡芙蓉城歌

芙蓉城中花非花闌干隱約紅了又是何環珮聲交
加中有謫居綠萼華玉闌杆漏乘雲車青鸞尾上相
要遮五雲樓閣羣仙家風鬟霧鬢靜不譁就中最小
雙髻了蘭香小玉同時誇東甬玉扇雙扉過重樓曲
閣窗復窈瑤窗面面珠簾斜金檀檀板銀琵琶碧琉

璃注青旂茶玉匣羶酌紅流霞上清蝌蚪書妍婷辨
識眞詰非麻沙浙越冷雨敲紅芭殘更正打秋蝦蟆
魂兮歸來無止些莊周夢醒青窗紗翩然而來者誰
耶羅衣搵淚空嗟呀寄言天台路已差劉郎再來無
胡麻錦衾玉枕興未賒橫波一瞥分天涯吁嗟天生
地種皆情芽君不見銀河還有張騫槎

荒塚行

青鳥哀啼白猿叫林魑夜哭山鬼笑老松化作魑魅
形黑月森森石閒照紅滿山花不作春冷風如刀吹
殺人回頭俯瞰荆棘虎狐憑兔穴皆荒墳纍纍布似

殘碁局高者如垠下如塢欲問埋愁地下人摩挲沒
字碑難讀楊柳桃花三月春不知誰與奠孤魂古來
富貴如夢幻誰非王侯將相之子孫銀宮金屋如煙
滅換得荒山一明月綽約非無倩女魂風流亦有才
人骨坏土同依作棟窠冢中可有舊冠裳杜鵑痛哭
颺颺弔不值青山一笑場君不見將軍袍笏埋荒草
帝寢燈檠迹如掃但見金蠶冷墓門何曾白鶴歸華
表又不見六陵寶氣照山川虎枕雲葉盡出棺石馬
無聲翁仲淚空教遺恨滿林巒何如片土營安宅長
暮猶能妥殘魄錦襪知無梨樹悲玉簪幸免梅花劫

吁嗟乎韋平阡碣半蒿萊回首牛眠不敢哀誰是千秋萬歲後高名不與骨同埋

冬醃菜

清寒小品謝腥羶風味從教醉後傳沁入冬心香意冷嚼來凍齒響聲圓齏根人有三年蓄食淡僧參一味禪畫粥斷齏宜我輩要從蔬譜覓因緣

臘八粥

漢臘千秋重堯蓂八葉添酒纔和魯麪粥又點吳鹽節物東京紀宗風古刹瞻祇園綿歲月淨域耀華嚴浴佛蘭湯沃參禪稗說斬心齋誠肅肅口數屑沾沾

乞得雙弓米拔去七寶奩斧斯冰迨泮薪徒突初黔
暖氣騰厨角炊煙譚塢尖綠飴澆盎盎紅豆雜纖纖
柳展梅開未挑頭杏酪兼味誰噴蠟淡色自帶酥黏
料量人三鬴稀粥火一炊靜中花雨落聲裏水魚噉
亡界婆娑潤醍醐點滴甜供殘香麝燈送到水晶簾
軟飽名堪假嗟來意不嫌飣盤應配豉蔬譜更搜蔬
鉢自何年付瓢宜此日拈未應鳩吐頰時見鴿巡檐
高會消寒樂子情果腹快欣然羞白粲那復問青帘
天憶吹簫遠春從打鼓占咄嗟如可辦延壽慕文潛

冬夜偶成

金猊香冷撥殘灰簾幙無聲柝暗催竹葉敲門雲守
住梅花入夢月同來詩於寫意情彌適酒爲禁寒戒
略開紙帳尙餘春信息醒時跌坐小徘徊

咏骰子

誰將象齒試磋礮巧樣新雕妙手空解得風流便拋
擲本來骨相太玲瓏戰因奪采漏成白人爲貪花只
愛紅怪底重簾樺燭下紛紛笑語競雌雄

一生花酒聽平章只在歡場與熱場與世逢迎原跡
脫對人面目作剛方熱心不死爭拚注妙手成空笑
解囊半霎輸贏無定向此中原有小滄

局集同儔不論清流與濁流問有何才偏號

博欲令誰報競先投

骰子古名投子

緣么低唱聞聲喜紅豆

相思入骨愁竿水逢場儂亦羨書囊蕭索太增羞

聲聲喝雉與呼盧闌闌功名賤丈夫用足人間浮浪
子力傾天下看錢奴心爭鵝眼須眉展計足蠅頭骨
髓枯聞道東山方賭墅有人黑白認模糊

金縑集

二十八首
存六

南還以後杜跡里門閒於憂虞則有疾疢裾屐
之遊已矣豪楮之興索然而織婢耕奴或且以
所習相勦歲暮篋中檢稿題贈之外無歌咏焉

因取唐人貧女詩意而名其集

題朱節婦魯氏及室女朱羣姑福建彰化縣
殉難事後

青青女貞木鬱鬱凌嚴霜慈烏與節燕其上相迴翔
沛國賢令尹遠宦閩海疆忠孝暨節烈一室同流芳
請君誌其略聽我歌其詳魯氏有淑女二十歸朱郎
阿翁令彰化簿領勞黽皇郎君依官舍書史耽繚緇
小妹名羣姑生小知綱常每於鍼杲下環坐今古商
凜烈出天性不讓鬚眉強赴義或從容殉節或嚙糠
偶然縱言及鼎鑊甘飴饒乾隆己卯歲逆賊羣披猖

揭竿起鳳山嘯聚來聞洋阿翁去防禦指死衝鋒銳
郎君去乞援含笑視干將煢煢三巾幘闔戶空徬徨
猝傳賊鋒至邑令捐軀亡雜沓來訛言喬萎梓亦傷
母悲夫與子急痛摧肝腸婦悲翁與夫血淚紛凝眶
女悲父與兄嗚咽心驚恒相率投清流蛟龍不敢戕
縻笄誓必殉羅帕懸雕梁母兮絕復甦婦也魂茫茫
昔日繩繫足今日絲斷阮小妹恥獨生含笑黃泉黃
平生志嚮往到此身親嘗阿母愈孤子願影空懷惶
懷蒼生不忍骨肉俱摧殘明朝郎君至馬革歸魂喪
九死冒鋒鏑密偵尋萱堂相見各慟哭假息窮途旁

妻涼覓雙槐雙槐知萬義役號阿柳殞殲力贊襄
何道無畸士名於二楊極評母與子潔何羈他鄉
望民念舊德陳金二歸裝節欽苦柏遺愛思甘棠
遂返盧陵骨手葬齊山陽車已一旦滅朝宇頌宸章
貞烈勸始末雖重增輝煌湖山比清峻湖水思容光
當時埋骨處今猶香攜冊徵我歌我歌慙琳瑯
寄語布津州然當激昂

題馬谷海鶴雲石圖

一片玲瓏石風流說至今才人知己感名將報恩心
海嶼新詞換羅浮舊夢沈苔花青不斷閒愁百年深

題姚眉史紅樓相望圖

斟我銀鑿落調我金篴篴四座靜勿譁聽我歌紅樓
紅樓在仙山仙山渺何許左爲洛浦波右爲巫峰雨
巫雲是何女洛水是何神迢迢查溪水中有天仙人
仙人好樓居樓高倚蘭若西北指牽牛東南飛孔雀
孔雀繞樓飛青驄隔岸嘶金閨盧婦怨玉洞阮郎迷
迷路小桃花迷境垂楊柳不恨絮成萍但恨蓮無藕
藕斷有絲長絲長情更長此情空脈脈此願總茫茫
願作金屋藏蹇修去勿顧羅敷應有夫使君自有婦
願託玉琴訴卓女空賞音亮無紅顏怨安得白頭吟

願仿綠珠買石郎富不足仙路阻瑤臺名園少金谷
願學紅綃盜崔郎計更差彼非沙叱利此無古押衙
何以慰所願願爲眉上黛嚙笑識深情淡濃助修態
何以寄所願願爲口上脂親承蘭氣息常傍玉參差
何以愜所願願爲髮上澤不作玉杵霜猶作瓊盃液
何以償所願願爲衣上熏全身窺綽約竟體襲芳芬
芳芬容易盡綽約空輝映風迴閨苑舟月映秦臺鏡
鏡中儂別緒鏡裏爾姿容碧海三千里蓬山一萬重
重來不可必重見知何夕人間雁燕飛天上參商隔
隔斷水盈盈紅牆碧漢橫菖蒲無信息芍藥寄深情

情意自纏綿情懷徒落寞勸且讀華嚴彈指幻樓閣

題王檢叔

禮治

蒙泉修禊圖

道光乙酉二月初王丈示我修禊圖命我附名入籤
軸展視餘紙一隙無貂尾之續不可得佛頭之著猶
容污吳綾一尺裝卷首許我落筆如鴉塗嘉慶壬申

日上巳風流袞屐來明湖主人本屬右軍裔韻事直

欲蘭亭摹星霜歷茲十四載繪此卷者人難呼

圖為
山右

宋芝山孝
廉所寫

當年與會凡幾輩不知今者誰榮枯一時

題咏諸老輩開卷已覺晨星孤頻羅主人旋園老吾
家兩代音容徂其餘紛紛騷雅客大半感逝悲黃壚

君家舊珍定武本斯文具在非模糊後之視今今視
昔信有感慨良非誣蒙泉屬我釣遊地年年花裏攜
春酤昔時總角習嬉戲於今老大傷頭顱人生及時
貴行樂安用役役窮亨途轉瞬又屆浴蘭節春山鳥
勸人提壺請以此詩作嚆矢約君重與盟菰蒲瓜皮
一艇酒一榼但能痛飲皆吾徒會當破君杖頭費約
略三百青飛蚨

題顧西梅

洛

追摹奚鐵生先生小像爲奚小

鐵茂才

潤作

蒙泉先生老故鄉在昔爲我大父行大父之歿歲癸

丑又十載後公云亡其時壬也尙童穉未及杖履親
輝光公之風流及文采我父詔我言之詳先生之貌
清且雅寒如秋水和春陽先生之品峻且潔皎如孤

鶴雲中翔先生之詩妙天趣冬心樊榭有瓣香先生

之畫擅眾美衣鉢徐

石華秋
滄岳

兼陳

玉方環

先生鐵筆

恣奇古後先丁叟

龍泓
山人

伯仲黃

小松
司馬

先生大隸腕凡

近上法漢魏兼宗唐先生酒懷更跌宕一醉往往傾
百觴泉明歌嘯伯倫哭嗣宗瀟洒元龍狂從來名宿
多主壽矧有閒福供倘佯何期反遭造物妒竭來變
局成滄桑某年吾郡染喉疾城闔市舍俱罹殃先生

三子並蔚起鳳毛麟角生光芒一時玉樹共摧折西
河老淚空盈眶繼以嬌女亦蘭茝遺書莫授悲中郎
逾年又被祝融虐燼化截軸兼縹緇移家方遂卜居
願又悲老母終萱堂

皆王戌年事

嗚乎人生非金石那禁

連慟摧肝腸一朝淚盡骨髓竭公亦相繼歸北邙其
才何豐遇何嗇此意吾亦疑穹蒼公歿距今廿餘載
墓門草宿松杉長虎頭居士公老友追思遺像摩形
相公之嗣子泮林彥謹守此冊池新裝攜冊示我索
我咏展視佳什紛琳瑯羸庵

家諫庵伯祖

旋園

家接山叔祖

兩

老人其上各有留題章六七年來並徂謝對此那不